

مسرحية " لو إجا لَ يوم "

- أول عسكري: إجتني فِكرا.
نحشون: بعد فيك تُفكر؟
أول عسكري: من تُريبو.
نحشون: هات تَ نشوف.
أول عسكري: مَ زالنا مش عَم نَعمل شي، خطرَ عبالِي نَتَّوجو مَلِك.
نحشون: ما عِنَّا وئْت نِصرفو عَلَي. بِنَّا نُموتو لَ يوم نَبَل مَ تَغيب الشمس.
أول عسكري: مَنَعمل بروفا، تَ نمرة لَ وئْت، ونزَلو.
تالت عسكري: بعد في زِلِّ أَكتر من هِيك؟
أرفكشا: زيادة الزِلِّ زِلِّ.
نحشون: عَمَلو فيه شو مَ بَدُكُن، بس ما تَخَلَّوه يفلُت من إيدنا نَبَل مَ نُموتو. (لَ أرفكشا) روح جِبَلِك كِمَّ مرتزنا نَشغَلن بالتتويج.
أرفكشا: حاضرين هُون. (بيدلَّ عَلَ كوليس). وناطرين إشارا مِنَّا.
أول عسكري: فيكُن تَبَلِّشو عَلَ بارد.
تالت عسكري: بَس لَ مَلِك بَدَّو شَعب.
نحشون: مَ نحن بِنَّا نَشيلو من بين الشعب، نَبَل مَ يَنْزَعِلنا ياه. ما بِيعود فينا نديرو متل مَ بِنَّا.
تالت عسكري: بَس لَ مَلِك بَدَّو مَلِكِي!
تاني عسكري: (عَن مَرعا) وِلْ مَلِكِي بَدَّا رَجَال "ملك"، بِيَمحِي النَّشِي عَن ليرة الذهب بَ فَرَكة صابيعو.
تالت عسكري: وبَدَّو عَرش وزِينِي.
نحشون: هَادا مَلِك من تُريبو. جيبولُكُن شي سِحَارا عَتِيئا نَعَدوه عَلِيَا (بيغْمُر صَوْب لَ كوليس)
تالت عسكري: بَس لَ مَلِك بَدَّو مَشَلح مَلوكِي.
أول عسكري: مَشَلحو مِنّو وفيه، مش شايف جِسْمو أَحمر.
نحشون: (بيصرُح صَوْب لَ كوليس) وَنَّ صار لَ من تُريبو؟

(بيفوت خادم لَ نُصْر حامل سَحَّارَا عَتِيْنَا)

خادم لَ نُصْر: هَادَا لَ مِنْ ثَرِيِيُو. (بِيحَطَّا حَدَّ يَسُوْع وَيِيضَهْر)

تالت عسكري: بَس لَ مَلِك بَدُو اِكْلِيل!

أرفكشا: وَصِيْنَا عَلَي، بِيكون جايي.

أول عسكري: لِيش بَعْد عَنْدُو رَاس تَ تَحْطُولُو اِكْلِيل؟

نحشون: وَن صَار لَ اِكْلِيل؟ (بيفوت خادم لَ نُصْر، حامل اِكْلِيل شُوك

بِيعطيه لَ أرفكشا، بِيَلْتَفِت صُوب لَ كُولِيْس بِيِنْدَه لَ مَرْتَزْنَا I)

تَعَا لَ هُون وُلَاه.

لَ مَرْتَزْنَا I: (بيفوت فُوتَة لَ غَصِيْن عَنُو)

أرفكشا: خُود هَلْ اِكْلِيل وِلْبَسُو يَاه عَ رَاسُو!

لَ مَرْتَزْنَا I: هَادَا زَغِير، بِيوَعَّع عَن رَاسُو.

أرفكشا: هَيْدِي مَش شَغَلْتِك. نَفَّر أَوَامِر، وَبَس.

لَ مَرْتَزْنَا I: إِذَا مَش شَغَلْتِي، لَشُو عَم تَطْلُب مَنِّي أَعْمَل شَغِلَة غَيْرِي؟

أرفكشا: (بِيَعْلِي إِيدُو بَدُو يَضْرِبُو) وَطِي صَوْتِك وُلَاه.

لَ مَرْتَزْنَا I: (بِيكْمِشَلُو إِيدُو) وَطِي إِيدَك (عَلْ وَاطِي) رِيْتَا تَنكِسِر، وَمَا

تُصَحَّ.

أرفكشا: رُوح زِيَّة مَوَيِّ مَنِيْل عَيْن وُلَاه. (لَ مَرْتَزْنَا I بِيِيضَهْر. أرفكشا

بِيئْرَب كِم فَشَخَا صُوب لَ كُولِيْس وَيِيئُول لَ وَاحِد جُوَا) تِيْدَلُو

إِسْمُو عَ جِلْد pergamene

تالت عسكري: عَمِلْتُولُو لَ اِكْلِيل بَ دُون مَ تَاخْدُولُو نُيَاس رَاسُو؟

أرفكشا: نُيَاس رَاسُو تُخْرِبُط مَن بَرَّا وَمَن جُوَا. (أرفكشا بِيئْرَب

صُوب لَ كُولِيْس تَ يَجِيْب لَ مَرْتَزْنَا II، نَحْشُون بِيكْمِشُو بَ

إِيدُو)

نحشون: كِم مَرْتَزْنَا جِيْت ؟

أرفكشا: هُون فِي عَشْرَا.

نحشون: كَلْن يَهُود؟

أرفكشا: لَاء. شِي مَنِيْل يُونَان، مَن بِيْتِيْنَا، مَن رُومَا، وَمَن

الْدِيكَا بُولِيْس كَمَا ن.

نحشون: زَبُونَات بِيْتِيْنَا صِنْف وَاطِي.

أرفكشا: بَسْ بِيَطِيعُو عَلِّ عِمِيَانِي (بِيغْمُزُ صَوْبَ لَنْ كُولِيسَ بِيْفُوتَ لَنْ
مرتزا II) هَادَا مِنْ. جَرِّبُو.

نحشون: خُودَ هَلْ إِكْلِيلَ وَغَرَزَلُو يَاهُ بْ رَاسُو (لَنْ مَرْتَزَا II بِيْحَطُّ لَنْ
إِكْلِيلَ عَ رَاسِ يَسُوعَ، وَبِيصِيرُ يَشْدَّ وَيَمْتَنِعُ). غَرَزُو مُلِيح!
(عَنْ مَثْرَعَا) هَادَا مَلِكُ، بِنَّا نَمُوتُو لَاسِ تَاجِ.

لَنْ مَرْتَزَا II: (لِي بَعْدُو عَمَّ يَغْرَزَلُو إِكْلِيلَ الشوكِ بْ رَاسُو) مَشَّ عَمَّ يَغْرُزُ.
نحشون: بَعْدُو عَمَّ يَكْبُرُ رَاسُ؟